

## 1309, 9 novembre – s. l.

*Transaction passée entre Hervé de Léon, seigneur de Noyon et Geoffroy de Malestroit, seigneur dudit lieu et de Largouët.*

AD56, 142 J

A touz ceus qui ces lettres voirront, Hervé de Leon, seingnour de Noion, et Gieffroi, seingnour de Malastret, chevaliers, salut. Nous faisons asavoir que nous avons fait loial pourconte<sup>1</sup> finalement entre nous ensamble de touz con-tracz, de toutes doibtes, de touz arrelages<sup>2</sup> et des toutes autres choses que l'un de nous peust demander de l'autre du temps passé, tant par la raison de noz peres que par nulle autre raison quelle quele soit, en tele maniere que nous sommes quite et quité et que nul ne puest rien demander de l'autre du temps passé \ de chose qui thouche meble sanz herithage / sauf ceu que nous, le devant dit Gieffroi, sommes tenuz ; et promestons par nostre loial credict a faire nostre loial pover de querre<sup>3</sup> audit monsour Hervé auqunes armeures<sup>4</sup> que nostre pere ost du sien et de les li rendre au terme que ledit monsour Hervé nous mestra, se nous les povons trover ; et sommes tenuz lun a garantir l'autre et deffandre envers touz de toutes choses qui appartiennent et pevent appartenir audit pourconte, c'est asavoir nous, le dit monsour Hervé, envers touz ceus qui pourroient faire demande de nostre costé dudit monsour Gieffroi, et nous aussi, ledit Gieffroi, envers touz ceus qui pourroient rien demander de nostre costé dudit monsour Hervé ne de sians. Et promestons ces choses tenir et de non venir encontre par nous ne par autres ou temps a venir. Donné tesmoenz noz seels le jour de demanche avant la Saint-Martin en yver en l'an de grace mil et trois cenz et neuf.

Constat « de chose qui thouche meble sanz herithages donné comme doit ».

---

<sup>1</sup> Règlement de compte.

<sup>2</sup> Mis pour arrérages.

<sup>3</sup> Recherche.

<sup>4</sup> Armes, par extension hommes d'armes et combat, bataille.